




## ŠTA JE VIJEĆE EVROPE ?

Vijeće Evrope, osnovano 1949, je politička organizacija čiji je cilj promocija demokracije, ljudskih prava i vladavine zakona diljem Evrope. 47 zemalja članica sa glavnim štabom u Strasbourgu, u Francuskoj, prostiru se po cijelom evropskom kontinentu.

## DRŽAVE ČLANICE VIJEĆA EVROPE

Albanija, Andora, Armenija, Austrija, Azerbejdžan, Belgija, Bosna i Hercegovina, Bugarska, Hrvatska, Kipar, Češka Republika, Danska, Estonija, Finska, Francuska, Gruzija, Njemačka, Grčka, Mađarska, Island, Irska, Italija, Latvija, Lihtenštajn, Litvanija, Luksemburg, Malta, Moldavija, Monako, Crna Gora, Nizozemska, Norveška, Poljska, Portugal, Rumunija, Ruska Federacija, San Marino, Srbija, Slovačka Republika, Slovenija, Španija, Švedska, Švicarska, "Bivša Jugoslavenska Republika Makedonija", Turska, Ukrajina, Ujedinjeno kraljevstvo.

Produkcija: Direktorata za komunikacije Vijeća Evrope  
Izdanje: Odsjek za odnose sa javnošću uz saradnju Direktorata za vanjske poslove  
Dizajn: Produkcija dokumentacije i publikacija (DPDP),  
Vijeće Evrope, septembar 2008



Sala za konferencije "Palata Evrope"



Sjednica Parlamentarne skupštine VE

## KOMITET MINISTARA


### Čuvar fundamentalnih vrijednosti Vijeća Evrope

Komitet ministara je tijelo Vijeća Evrope zaduženo za donošenje odluka i sastoji se od 47 ministara vanjskih poslova država članica ili njihovih stalnih diplomatskih predstavnika – ambasadora u Strasbourgu. Komitet ministara odlučuje o politici Vijeća Evrope, odobrava program aktivnosti i budžet. Na preporuke Parlamentarne skupštine i Kongresa lokalnih i regionalnih vlasti Komitet određuje koja će akcija biti realizirana.

## PARLAMENTARNA SKUPŠTINA

### Politička pogonska snaga

Parlamentarna skupština je politička pogonska snaga koja stoji iza Vijeća Evrope. Njenih 636 članova ili zamjenika iz nacionalnih parlamenata 47 zemalja članica raspravljaju o tekstovima koji će se usvajati. Ti tekstovi ili preporuke daju važne smjernice za Komitet ministara, nacionalne vlade i parlamente. Skupština je inicirala mnoge međunarodne ugovore, koji su pomogli stvaranje pravnih sistema diljem Evrope.



Kongres lokalnih i regionalnih vlasti



Ulaz, "Palata Evrope"

## KONGRES LOKALNIH I REGIONALNIH VLASTI

### Čuvar lokalne demokracije

Kongres je motorna snaga koja ubrzava prenos vlasti na lokalne i regionalne vlasti. Sastoji se od biranih predstavnika lokalnih i regionalnih vlasti 47 država članica Vijeća Evrope. On nadgleda razvoj lokalne i regionalne demokracije, ohrabruje politički dijalog između nacionalnih vlada i teritorijalnih jedinica i podržava regionalnu i lokalnu prekograničnu suradnju.

## KONFERENCIJA MEĐUNARODNIH NE-VLADINIH ORGANIZACIJA (MNVO)

### Vitalna veza sa civilnim društvom

Konferencija uključuje oko 400 ne-vladinih organizacija. Ona omogućava vitalnu vezu političara sa javnošću i dovodi glas civilnog društva u Vijeće Evrope. Vijeće Evrope u svom radu uveliko koristi ekspertizu MNVO-a i njihov kontakt sa građanima.



Zgrada Ljudskih prava, Strasbourg



"Palata Evrope" sa skulpturom "Ljudska prava" autora Mariano Gonzalesa Beltran-a

## EVROPSKI SUD ZA LJUDSKA PRAVA

### Zaštitnik osnovnih sloboda

Evropski sud za ljudska prava koji zasjeda u Strasbourgu je stalno sudsko tijelo odgovorno za nadgledanje usaglašenosti zakonodavstva sa Evropskom konvencijom o ljudskim pravima. Uloga mu je da osigura poštivanje prava po Konvenciji, kojoj je pristupilo 47 država članica Vijeća Evrope. Broj sudija Suda je jednak broju država koje su pristupile Konvenciji.

## KOMESAR ZA LJUDSKA PRAVA

### Unapređuje razvoj ljudskih prava zasnovanih na demokratskim kulturama

Komesar je neovisna institucija zadužena za promociju obrazovanja i podizanje svijesti o ljudskim pravima u državama članicama i za osiguranje njihovog poštivanja kao i potpune usklađenosti nacionalnog zakonodavstva sa normativnim instrumentima Vijeća Evrope. Komesarova uloga je u osnovi preventivna i drugačija od onih koje imaju Evropski sud za ljudska prava i druge organizacije nastale na osnovu ugovora. Komesar nema izvršnu moć.



"Palata Evrope" ulaz



Zgrada «Agora»



## GENERALNI SEKRETAR

### Vođstvo i upravljanje Organizacijom

Generalnog sekretara bira Parlamentarna skupština na petogodišnji mandat i on je odgovoran za strateško planiranje i vođenje – usmjeravanje programa rada i budžeta i dnevno nadgledanje rada Organizacije.

## EVROPSKA OBILJEŽJA

Evropska zastava – krug od 12 zvijezda na plavoj podlozi – predstavlja jedinstvo evropskih naroda (broj zvijezda se ne mjenja s obzirom da 12 simbolizira savršenstvo). 1955. godine Komitet ministara je na prijedlog Parlamentarne skupštine Vijeća Evrope usvojio izgled zastave. Od maja 1986. evropska je zastava postala zvanični amblem Evropske unije.

1972. g. Komitet ministara Vijeća Evrope usvojio je evropsku himnu, "Odu radosti" preludij Betovenove Devete simfonije u aranžmanu Herbert von Karajan-a. Predsjednici država i vlada 1985. godine usvojili su je kao zvaničnu himnu Evropske unije. Njena namjera nije da zamjeni nacionalne himne država članica nego više da slavi vrijednosti koje svi dijele u njihovom jedinstvu u različitosti.

## 47 DRŽAVA ČLANICA VIJEĆA EVROPE

### Kojim još organizacijama one pripadaju?

Države članice Vijeća Evrope	EU	OSCE	UN	Države članice Vijeća Evrope	EU	OSCE	UN
Albanija		★	★	Andora		★	★
Armenija		★	★	Austrija	★	★	★
Azerbejdžan		★	★	Belgija	★	★	★
Bosna i Hercegovina		★	★	Bugarska	★	★	★
Hrvatska		★	★	Kipar	★	★	★
Češka Republika	★	★	★	Danska	★	★	★
Estonija	★	★	★	Finska	★	★	★
Francuska	★	★	★	Gruzija		★	★
Njemačka	★	★	★	Grčka	★	★	★
Mađarska	★	★	★	Island		★	★
Irska	★	★	★	Italija	★	★	★
Latvija	★	★	★	Lihtenštajn		★	★
Litvanija	★	★	★	Luksemburg	★	★	★
Malta	★	★	★	Moldavija		★	★
Monako		★	★	Crna Gora		★	★
Nizozemska	★	★	★	Norveška		★	★
Poljska	★	★	★	Portugal	★	★	★
Rumunija	★	★	★	Ruska Federacija		★	★
San Marino		★	★	Srbija		★	★
Slovačka Republika	★	★	★	Slovenija	★	★	★
Španija	★	★	★	Švedska	★	★	★
Švicarska		★	★	"Bivša Jugoslavenska Republika Makedonija"		★	★
Turska		★	★				
Ukrajina		★	★	Ujedinjeno kraljevstvo	★	★	★

## VANJSKI ODNOSI VIJEĆA EVROPE

[www.coe.int](http://www.coe.int)



### Vanjski odnosi Vijeća Evrope su odnosi sa:

- drugim međunarodnim organizacijama i institucijama, posebice sa Evropskom unijom (EU), Organizacijom za sigurnost i saradnju u Evropi (OSCE) i ujedinjenim nacijama (UN)
- drugim državama koje nisu članice (ali koje bi mogle aplicirati za članstvo u Vijeću Evrope)



«Palata Evrope», Strasburg

U odnosima sa drugim međunarodnim organizacijama, prvenstveno sa Evropskom unijom, OSCE-om i UN-om, Vijeće Evrope osigurava da aktivnosti koje se provode budu komplementarne zajedničkom cilju izgradnje demokratske i sigurne Evrope.

Odluke Trećeg samita šefova i vlada koji je održan u Varšavi u maju 2005. utvrdile su smjernice za te odnose. Varšavska deklaracija i Akcioni plan potvrđuju ulogu Vijeća Evrope na evropskoj sceni određivanjem glavnih ciljeva. Šefovi država i vlada izrazili su svoju odlučnost da osiguraju „komplementarnost Vijeća Evrope i drugih organizacija koje rade na izgradnji demokratske i sigurne Evrope“ sa jasnom usredsređenošću na odnose sa EU-om, OSCE-om i UN-om.

## ODNOSI VIJEĆA EVROPE SA EVROPSKOM UNIJOM

[www.europa.eu](http://www.europa.eu)

**Vijeće Evrope i Evropska unija imaju dugu tradiciju saradnje zasnovanu na zajedničkim vrijednostima: ljudska prava, demokracija i vladavina prava. Obje organizacije koriste jedna od druge jake i komparativne prednosti, znanja i ekspertize uz izbjegavanje nepotrebnog dupliciranja.**



Fotografija:Zgrada Evropskog parlamenta, Strasbourg

Od maja 2007. Memorandumom o razumjevanju ove dvije organizacije dat je novi okvir za suradnju. On potvrđuje ulogu Vijeća Evrope kao referentnu tačku standarda za ljudska prava, vladavinu prava i demokraciju u Evropi, potvrđuje potrebu za uzajamnom usklađenošću pravnih normi dviju organizacija u području ljudskih prava i osnovnih sloboda, i ohrabruje Vijeće Evrope i EU da u budućnosti rade još bliže.

Kroz 15 godina Vijeće Evrope i Evropska unija su realizirali mnogobrojene projekte u promoviranju poštivanja ljudskih prava i vladavine prava, u pokretanju socijalnih pitanja kao i pitanja obrazovanja i omladine i u Evropi bez granica.

## ODNOSI VIJEĆA EVROPE SA OSCE-MK

[www.osce.org](http://www.osce.org)

**Vijeće Evrope i Organizacija za bezbjednost i saradnju Evrope (OSCE) bave se, svaka na svoj način, promocijom stabilnosti i bezbjednosti na osnovu demokracije, vladavine zakona i poštavanja ljudskih prava.**



Sjedište OSCE-a u Beču

Saradnja dvije organizacije i dalje ostaje orijentisana na postizanje rezultata, sa redovnim sastancima na visokom nivou i konsultacijama i razmjenom mišljenja na svim nivoima. Na primjer, OSCE-ov Ured za demokraciju i ljudska prava (ODHIR) radi u bliskoj saradnji sa raznim tijelima Vijeća Evrope kao što su Parlamentarna skupština Vijeća Evrope i Venecijanska komisija za demokraciju putem prava. Ova suradnja pokriva područja borbe protiv terorizma, borbe protiv diskriminacije i nadgledanje izbora.

Obje organizacije promoviraju ljudska prava, demokraciju i vladavinu prava jer su oni vitalni za političku stabilnost, dobro upravljanje, ekonomski razvoj i društveno održive zajednice.

Trenutačna suradnja između Vijeća Evrope i OSCE-a usmjerena je na četiri prioritetne oblasti: borba protiv terorizma, zaštita nacionalnih manjina, borba protiv trgovine ljudima i pitanja tolerancije i ne-diskriminacije.

## ODNOSI VIJEĆA EVROPE SA UJEDINJENIM NACIJAMA

[www.un.org](http://www.un.org)

**Zvanični odnosi Vijeća Evrope sa UN-om datiraju još od 1951. godine. Vijeće Evrope je dobilo status promatrača pri Generalnoj skupštini UN-a u oktobru 1989. Vijeće Evrope redovno učestvuje u radu glavnih UN agencija u svojstvu regionalnog partnera.**



Zgrada Ujedinjenih nacija, New York

Saradnja se dobro odvija u oblasti zaštite ljudskih prava, borbe protiv rasizma, diskriminacije, ksenofobije i netolerancije, zaštite manjina, borbe protiv trgovine ljudima i nasilja nad ženama, kao i u domenu zaštite i promocije prava djece i interkulturalnog dijaloga.

Vijeće Evrope nastavlja da radi u tijesnoj saradnji sa UN Dječjim fondom i drugim UN tijelima, uključivo Visokog komesara za izbjeglice i ljudska prava UN-a, Uredom za koordinaciju humanitarne pomoći UN-a, Razvojnim programom UN-a, Ekonomskom komisijom za Evropu i Vijećem za ljudska prava UN-a. Sa Udruženjem za inicijative civilizacija (AoC) izradiće se zajednički programi.

## ODNOSI VIJEĆA EVROPE SA DRUGIM MEĐUNARODNIM TIJELIMA I DRŽAVAMA KOJE NISU ČLANICE

**Kao dodatak specijalnim vezama sa EU, OSCE-om i UN-om, Vijeće Evrope održava redovne kontakte sa više od 30 međunarodnih organizacija diljem svijeta uključivši glavne evropske regionalne grupacije. Kontakt sa tim regionalnim i sub-regionalnim organizacijama omogućuje da do zemalja ne-članica dopru i promoviraju se osnovne vrijednosti demokracije, ljudskih prava i vladavine prava.**

Pet zemalja – Kanada, Sveta Stolica, Japan, Meksiko i Sjedinjene Američke Države imaju status promatrača u Vijeću Evrope. Praktične i pragmatične relacije sa državama ne-članicama Vijeća Evrope na svim kontinentima omogućuje Vijeću Evrope da proširi opseg aktivnosti i njihov globalni domet. Više od 45 ne-članica Vijeća Evrope su strane u ugovorima ili članice, promatrači ili učesnici Parcijalnih ugovora kao što su Venecijanska komisija, ili Centar Sjever – Jug koji je usmjeren na regiju Mediterana. U izradi pravnih instrumenata Vijeća Evrope sve više učestvuju zainteresirane država ne-članice.



## Vijeće Evrope na međunarodnoj sceni

